



Presseinformation

12.03.2020

Nowe dwurěčne tafle na zastaniščach we Wojerecach

Wuhotowanje w serbskej a němskej rěči

Džensa připotdnju su při Łužiskej kupjeli we Wojerecach symbolisce přenje z nowych dwurěčnih zastaniščow za měšćanski a regionalny wobchad wotkryli. W zwisku z wobnowjenjom wupokazanjom na cyłym teritoriju wobchadneho zwjazka Hornje Łobjo (VVO) a zaměroweho wobchadneho zwjazka Hornja Łužica – Delnja Šleska (ZVON) wšitke zastanišća w regionach ze serbsce rěčacej ludnosću serbsko-němske wuhotowanje dóstawaja. Tute zastanišće so wot měšćanskich busow wobchadneje towaršnosće Wojerecy (VGH) postužuje.

„Ja so wjeselu, zo dwurěčne wuhotowanje, kotrež smy z mnohich zarjadniščow zwučeni, nětko tež do busoweho wobchada začehnje“, praješe Wojerowski wyši měšćanosta Stefan Skora. Dawid Statnik, předsyda Domowiny, je wuzběhnył: „Skrućenje rěče je nam wosebje wažne, a jeje prezenca w zjawnosći k tomu słuša.“ Burkhard Ehlen, jednačel VVO, doda: „Z nowymi wjetšimi taflemi mamy móžnosć, wjac informacijow pokazować, a tohodla běše nam samozrozumliwe, zo stej tu w regionje wobě rěči runoprawnje zastupjenej.“

W zwisku z projektom so 6.700 taflow na cyłym teritoriju VVO a 2.200 w susodnym ZVON wobnjowja. Wšo dohromady so 7,5 milionow euro do wuměny zdžěla 30 lět starych taflow inwestuje, z toho pjeć milionow we VVO. Swobodny stat Sakska 75 procentow kóštow přewozmje, kóždy z wobchadneju zwjazkow na swojim teritoriju 15 procentow a předewzaća 10 procentow. Zwoprawdženje so po wokrjesach stawa, nimo wokrjesa Budyšina so tuchwilu w Mišnje mnohe tafle nastajeja. Aktualnje stej hižo wjac hač 300 taflow.

Christian Schlemper

Pressesprecher

Verkehrsverbund Oberelbe GmbH (VVO)

0351/852 65 12

presse@vvo-online.de

www.vvo-online.de

www.twitter.com/vvo_presse